

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO ZA POLJOPRIVREDU,  
ŠUMARSTVO I VODOPRIVREDU**



***UPUTSTVO***

*o ostvarivanju prava na sredstva iz Programa utroška sredstava Budžeta Zeničko-dobojskog kantona za zdravstvenu zaštitu životinja u 2019. godini i Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2019.godini*

**Zenica, maj 2019. godine**

Na osnovu člana 56. stav (2) Zakona o organizaciji organa uprave u Federaciji BiH ("Službene novine FBiH", broj: 35/05), Programa utroška sredstava Budžeta Zeničko-dobojskog kantona za zdravstvenu zaštitu životinja u 2019. godini, broj: 02-14-7730/19 od 07.05.2019. godine i Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2019. godini, broj: 02-14-7732/19 od 07.05.2019. godine, ministar Ministarstva za poljoprivredu, šumarstvo i vodoprivredu Zeničko-dobojskog kantona donosi:

## UPUSTVO

**o ostvarivanju prava na sredstva iz Programa utroška sredstava Budžeta Zeničko-dobojskog kantona za zdravstvenu zaštitu životinja u 2019. godini i Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2019. godini**

Ovim Uputstvom propisuju se uslovi, postupci i obaveze koje fizička i pravna lica (u daljem tekstu: korisnici), moraju ispuniti prije isplate novčanih sredstava, obavezna dokumentacija i obrazac zahtjeva za ostvarivanje prava na dodjelu sredstava, te način isplate sredstava koja se isplaćuju iz Budžeta Zeničko-dobojskog kantona (u daljem tekstu: Kanton) za 2019. godinu.

Ovim Uputstvom se uređuju:

### I

Program utroška sredstava Budžeta Zeničko-dobojskog kantona za zdravstvenu zaštitu životinja u 2019. godini;

1. Kontrola zdravlja vimena,
2. Uzimanje uzoraka za ispitivanje Infektivne anemije konja,
3. Naknada štete za eutanazirane životinje,
4. Pomoć u provođenju Zakona o zaštiti i dobrobiti životinja,
5. Rezerva;

### II

Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2019. godini;

1. Sufinansiranje serološkog ispitivanja ovaca i goveda na zaraznu bolest Plavi jezik,
2. Sufinansiranje implementacije Programa samokontrole kod SPH,
3. Sufinansiranje implementacije HACCP sistema kod SPH koji su registrovani kao obrti,
4. Finansiranje troškova eutanazije i neškodljivog uklanjanja oboljelih životinja,
5. Klinički pregled pčelinjaka na Američku gnjiloću,
6. Dijagnostička pretraga pčelinjeg legla na Američku gnjiloću,
7. Dijagnostička ispitivanja životinja i službenih uzoraka po nalogu veterinarskog inspektora,
8. Preventivna vakcinacija domaćih životinja,
9. Finansiranje dijagnostičkih ispitivanja u svrhu utvrđivanje uzroka pobačaja životinja,
10. Rezerva;

## A. OPĆE ODREDBE

- Pravo na ostvarenje podrške imaju: registrovani subjekti u poslovanju sa hranom (u daljem tekstu: SPH), vlasnici životinja - fizička i pravna lica, općine/Grad Zeničko-dobojskog kantona, dijagnostičke ustanove, veterinarske stanice na dodijeljenim područjima djelovanja za mjere koje su u njihovoj nadležnosti, pravna lica ovlaštena za uklanjanje leševa životinja i životinjskog otpada (u daljem tekstu: korisnici),
- Korisnici, osim dijagnostičkih ustanova, moraju imati prebivalište/sjedište na području Kantona,
- Korisnici - SPH moraju posjedovati veterinarski kontrolni broj,
- Korisnici koji prema raspoloživim podacima Ministarstva za poljoprivredu, šumarstvo i vodoprivredu nisu izmirili obaveze prema Zeničko-dobojskom kantonu ne mogu ostvariti pravo na dodjelu sredstava,
- Životinje koje budu obuhvaćene mjerama iz Programa moraju biti upisane u jedinstveni registar domaćih životinja u skladu sa Pravilnikom o označavanju životinja i šemi kontrole kretanja životinja u BiH („Službeni glasnik BiH“, broj: 28/03) i Pravilnikom o obaveznom označavanju i upisu jedinstveni registar ovaca, koza i svinja, te vođenje evidencija („Službene novine FBiH“, broj: 87/07),

Zahtjevi se dostavljaju na propisanom obrascu koji je sastavni dio ovog Uputstva i to na protokol Zeničko-dobojskog kantona lično, preporučeno poštom ili putem općinskih/gradskih službi nadležnih za poslove iz oblasti veterinarstva/poljoprivrede na adresu: **Ministarstvo za poljoprivredu, šumarstvo i vodoprivredu – Odsjek za veterinarstvo - Kučukovići broj 2, 72000 Zenica**. Uz obrazac zahtjeva dostavlja se original ili ovjerena kopija propisane dokumentacije za svaku pojedinačnu mjeru, kako je opisano u posebnim odredbama ovog Uputstva, izuzev ako je u posebnim odredbama svake pojedinačne mjere navedeno da se dostavlja kopija određenog dokumenta.

Oblik i sadržaj obrasca zahtjeva prema vrsti poticaja propisuje Ministarstvo za poljoprivredu, šumarstvo i vodoprivredu Zeničko-dobojskog kantona (u daljem tekstu: Ministarstvo).

### **Obavezni elementi zahtjeva su:**

- ime i prezime podnosioca zahtjeva, odnosno puni naziv pravnog lica ili obrta,
- JMBG za fizička lica, odnosno ID broj za pravna lica i obrte,
- tačna adresa ili sjedište,
- kontakt telefon,
- potpis i pečat podnosioca zahtjeva,
- podatak o mjeri ili aktivnosti iz Programa;

Ukoliko se zahtjev dostavlja putem gradske/općinskih službi nadležnih za poslove iz oblasti veterinarstva, iste su dužne provjeriti ispravnost i kompletnost dokumentacije, te poduzeti aktivnosti u svrhu eventualnih ispravljanja nepravilno popunjenih zahtjeva ili upotpunjavanja nekompletne dokumentacije.

Podnosilac zahtjeva je odgovoran za ispravnost i kompletnost dokumentacije.

Sva priložena dokumentacija mora biti upisana na obrascu zahtjeva.

Službenik Ministarstva će odmah nakon prijema izvršiti pregled kompletnosti zahtjeva i o tome sačiniti zabilješku na poleđini zahtjeva.

Provjera kompletnosti i ispravnosti zahtjeva i priložene dokumentacije je obaveza podnosioca, koju može provesti lično u Ministarstvu ili putem telefona: 032/460-746 – Odsjek za veterinarstvo, do isteka roka za prijem dokumentacije za svaku mjeru.

Smatraće se neispravnim i neće biti uzet u razmatranje zahtjev koji:

- nije podnesen u propisanom roku,
- sadrži dokumenta iz kojih je vidljivo da podnositelj zahtjeva ne ispunjava propisane uslove,
- sadrži nepotpunu, neispravnu, neovjerenu, ovjerenu od neovlaštenih osoba, krivotvorenu ili na drugi način neispravnu dokumentaciju,
- je popunjen tako da se ne može utvrditi identitet podnosioca zahtjeva, adresa ili sjedište podnosioca zahtjeva, te mjera za koju se podnosi zahtjev;

Novčanu podršku za poljoprivrednu proizvodnju ili djelatnost iz Budžeta Zeničko-dobojskog kantona ne mogu ostvariti oni podnosioci zahtjeva koji prema raspoloživim podacima Ministarstva za poljoprivredu, šumarstvo i vodoprivredu nisu izmirili obaveze prema Zeničko-dobojskom kantonu.

Podnosioci zahtjeva koji su u prethodnom periodu koristili kreditna sredstva ovog Ministarstva kod ASA banke d.d. Sarajevo, mogu ostvariti podršku iz Budžeta Zeničko-dobojskog kantona samo pod uslovom da su vratili odobrena kreditna sredstva.

Podnosioci zahtjeva ne mogu ostvariti pravo na sredstva po istom osnovu, ako su već ostvarili takvo pravo kod drugog ministarstva Zeničko-dobojskog kantona. Ministarstvo će izvršiti provjeru o navedenom.

Ukoliko postoje osnovi sumnje da postoje nepravilnosti u podnešenim zahtjevima, Ministarstvo zadržava pravo da obavi poseban uviđaj i kontrolu. O provedenoj kontroli službenici će sačiniti zapisnik na mjestu proizvodnje, a rok u kojem se može sačiniti zapisnik u svrhu ove kontrole počinje od momenta podnošenja zahtjeva i traje do maksimalno jednu godinu nakon donošenja odluke/zaključka Vlade Zeničko-dobojskog kantona o odobravanju sredstava.

Druge vrste nadzora koje su izvan djelokruga poslova ovog organa uprave ne podliježu ovim rokovima.

Ukoliko Ministarstvo utvrdi da je podnositelj zahtjeva ostvario sredstva ili pravo na sufinansiranje mjera ili aktivnosti na osnovu protuzakonitih radnji ili suprotno odredbama ovoga Uputstva, uputit će prema Vladi Zeničko-dobojskog kantona prijedlog zaključka/odluke za povrat odobrenih i isplaćenih sredstava ili prijedlog zaključka o stavljanju van snage zaključka o odobrenim sredstvima.

## **B. POSEBNE ODREDBE**

### **I PROGRAM UTROŠKA SREDSTAVA BUDŽETA ZENIČKO-DOBOJSKOG KANTONA ZA ZDRAVSTVENU ZAŠTITU ŽIVOTINJA U 2019. GODINI**

#### **1. Kontrola zdravlja vimena**

Sufinansiraju se obavezne dijagnostičke mjere koje se provode za krave u laktaciji čije mlijeko se koristi za javnu potrošnju. Pravo na sufinansiranje ostvaruju proizvođači preko veterinarskih stanica. Mjere dijagnostičkog ispitivanja sprovodiće nadležne registrovane veterinarske stanice na dodijeljenim područjima djelovanja. Sufinansiranje iznosi 15,00 KM/kravi u laktaciji za II i III kvartal 2019. godine.

Veterinarske stanice su obavezne dostaviti u Ministarstvo za poljoprivredu, šumarstvo i vodoprivredu Zeničko-dobojskog kantona zahtjev za isplatu sredstava uz dostavljanje sljedeće dokumentacije:

- Zahtjev taksiran sa 3,00 KM kantonalne administrativne takse,

- Izvještaj o provedenoj mjeri za II. i III. kvartal 2019. godine (tabelarni prikaz),
- Potvrde o provedenim obaveznim mjerama (prilog V. iz Programa mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 05/19),
- Ugovor sa registrovanim otkupljivačem mlijeka,
- Laboratorijske nalaze,
- Dokaz da su provedene propisane mjere, odnosno da je vlasnik ostvario pravo na sufinansiranje (blok račun s potpisom vlasnika sa navedenim iznosom koje sufinansira Ministarstvo),

Zahtjev sa propisanom dokumentacijom dostavlja se na protokol Zeničko-dobojskog kantona neposredno ili poštom do **15.10.2019.** godine.

## **2. Uzimanje uzoraka za ispitivanje Infektivne anemije konja**

Finansira se ispitivanje uzoraka krvi svih mikročipovanih konja na području Zeničko-dobojskog kantona. Pravo na finansiranje imaju vlasnici koji provedu propisanu mjeru putem registrovanih nadležnih veterinarskih stanica na području Zeničko-dobojskog kantona. Iznos sredstava je 20,00 KM/konju.

Veterinarske stanice su obavezne Ministarstvu za poljoprivredu, šumarstvo i vodoprivredu Zeničko-dobojskog kantona dostaviti:

- Zahtjev taksiran sa 3,00 KM kantonalne administrativne takse,
- Tabelarni prikaz vlasnika životinja kod kojih je izvršeno ispitivanje,
- Potvrdu o provedenim obaveznim mjerama (prilog V. Programa mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 05/19), (kopija)
- Laboratorijske nalaze (kopije).

Zahtjev sa propisanom dokumentacijom dostavlja se na protokol Zeničko-dobojskog kantona neposredno ili poštom do **30.09. 2019.** godine.

## **3. Naknada štete za eutanazirane životinje**

Vlasnici životinja koje su eutanazirane i neškodljivo uklonjene u postupku provođenja naređenih mjera za suzbijanje i iskorjenjivanje zaraznih bolesti imaju pravo na nadoknadu štete u skladu sa Pravilnikom o postupku isplate nadoknade štete za neškodljivo uklonjene seropozitivne životinje („Službene novine Federacije BiH“, broj: 98/12 i 88/18), ako je:

- a) bez odgađanja prijavio sumnju na zaraznu bolest životinja najbližoj veterinarskoj stanici,
- b) obavio propisano preventivno vakcinisanje u prethodnom vremenskom periodu kao i dijagnostičko i drugo ispitivanje,
- c) obavio propisano obilježavanje životinja;

Postupak za isplatu nadoknade pokreće se na zahtjev vlasnika, sedam (7) dana od dana izvršenja neškodljivog uklanjanja životinje. Zahtjev se podnosi na obrascu zahtjeva za nadoknadu štete koji je sastavni dio ovog Upustva.

Vlasnici su obavezni Ministarstvu za poljoprivredu, šumarstvo i vodoprivredu Zeničko-dobojskog kantona dostaviti slijedeću dokumentaciju:

- Zahtjev taksiran sa 3,00 KM kantonalne administrativne takse,
- Laboratorijski nalaz potvrđen konfirmacijskom metodom (kopija),

- Rješenje nadležnog veterinarskog inspektora kojim je naređeno provođenje mjera (kopija),
- Zapisnik komisije o neškodljivom uklanjanju životinja,
- Kopije pasoša za životinje (kopija),
- Potvrdu banke o otvorenom računu;

Zahtjev sa propisanom dokumentacijom dostavlja se na protokol Zeničko-dobojskog kantona, neposredno ili poštom do **30.11.2019.** godine.

#### **4. Pomoć u provođenju Zakona o zaštiti i dobrobiti životinja**

Korisnici sredstava mogu ostvariti pravo na sredstva kao pomoć za izgradnju skloništa za životinja što se dokazuje posjedovanjem urbanističke ili građevinske dozvole ili kao pomoć u funkcionisanju skloništa koja su u upotrebi. Korisnici su obavezni dostaviti slijedeću dokumentaciju:

1. Zahtjev taksiran sa 3,00 KM kantonalne administrativne takse,
3. Urbanističku saglasnost ili građevinsku dozvolu,
4. Dozvolu za formiranje skloništa izdatu od nadležnog organa,
5. Specifikaciju troškova sa pregledom konkretnih aktivnosti (nabavka opreme, veterinarskih lijekova i materijala za unapređenje zaštite i dobrobiti životinja (funkcionisanje skloništa);

Zahtjev sa propisanom dokumentacijom dostavlja se na protokol Zeničko-dobojskog kantona, neposredno ili poštom do **30.10.2019.** godine.

#### **5. Rezerva**

Sredstva rezerve koristiće se za hitne i nepredviđene zahtjeve koji se pojave tokom budžetske 2019. godine. Ministarstvo će razmotriti i eventualno predložiti Vladi Zeničko-dobojskog kantona donošenje zaključka/odluke o odobravanju sredstava i za one mjere i postupke koji nisu posebno definisane u Programu, a koje u određenim okolnostima budu ocijenjene kao neophodne i to:

1. Nerealizovani zahtjevi za nadoknadu štete iz prethodne budžetske godine koji su izostali zbog administrativnih poteškoća ili drugih opravdanih razloga,
2. Sredstva pomoći farmerima koji su pretrpili znatnu materijalnu štetu kao rezultat prirodnih nepogoda,
3. Sredstva će se odobravati prema mogućnostima i za uginuća životinja, ako ono nije nastupilo kao posljedica nebrige ili nemara vlasnika, a pod uslovom da je isti postupao po naredbama veterinarskog inspektora.

<b>II PROGRAM UTROŠKA SREDSTAVA OD PRIKUPLJENIH VETERINARSKIH</b>
<b>NAKNADA ZA MJERE ZDRAVSTVENE ZAŠTITE ŽIVOTINJA I</b>
<b>VETERINARSKOG JAVNOG ZDRAVSTVA NA PODRUČJU ZENIČKO-</b>
<b>DOBOJSKOG KANTONA U 2019. GODINI</b>

#### **1. Sufinansiranje serološkog ispitivanja ovaca i goveda na zaraznu bolest Plavi jezik**

Pravo na sredstva imaju vlasnici ovaca na području Zeničko-dobojskog kantona. U slučaju osnovane sumnje na prisustvo zarazne bolesti Plavi jezik koju utvrdi nadležni veterinar ili veterinarski inspektor, sufinansiraće se uzimanja i slanja na pretragu uzoraka krvi ili tkiva životinja koje budu pokazale kliničke znakove bolesti ili budu sumnjive na ovo oboljenje. Iznos sredstava je 20,00 KM/po jednom uzorku/ovci.

Mjere uzorkovanja i slanja krvi na laboratorijsku analizu provodit će registrovane veterinarske organizacije sa područja Kantona, na dodijeljenom području djelovanja. Laboratorijska metoda je ELISA.

Vlasnici ispitivanih životinja (ovaca) su obavezni dostaviti Ministarstvu za poljoprivredu, šumarstvo i vodoprivredu Zeničko-dobojskog kantona slijedeću dokumentaciju:

- a) Zahtjev taksiran sa 3,00 KM kantonalne administrativne takse,
- b) Zapisnik o inspekcijskom nadzoru,
- c) Rješenje nadležnog veterinarskog inspektora kojim se naređuje provođenje ispitivanja,
- d) Laboratorijski nalaz Elisa metodom,
- e) Potvrdu banke o otvorenom računu;

Zahtjev sa propisanom dokumentacijom dostavlja se na protokol Zeničko-dobojskog kantona, neposredno ili poštom do **30.11.2019.** godine.

## **2. Sufinansiranje implementacije Programa samokontrole kod SPH**

Pravo na sufinansiranje imaju svi registrovani SPH koji posjeduju veterinarski kontrolni broj i koji su uspostavili i implementirali program samokontrole u periodu od 2016. do 2019. godine. SPH koji su ostvarili pravo na sufinansiranje implementacije programa samokontrole u prethodnom periodu ne mogu to pravo ostvariti u ovom postupku. Maksimalan iznos sredstava koja se mogu ostvariti za implementiran program samokontrole je do 1.000,00 KM po subjektu.

Subjekti u poslovanju sa hranom obavezni su Ministarstvu za poljoprivredu, šumarstvo i vodoprivredu Zeničko-dobojskog kantona dostaviti slijedeću dokumentaciju:

- a) Zahtjev taksiran sa 3,00 KM kantonalne administrativne takse
- b) Kopiju rješenja kojim je dodijeljen veterinarski kontrolni broj,
- c) Program samokontrole,
- d) Laboratorijske izvještaje za II i III kvartal 2019.godine, u skladu sa Planom samokontrole,
- e) Potvrdu o edukaciji i implementaciji programa,
- f) Fiskalni račun o plaćenom iznosu za urađeni Plan samokontrole;

Odsjek za veterinarstvo će na osnovu vlastite procjene izvršiti obilazak SPH i sačiniti zapisnik o utvrđenom stanju u pogledu uspostavljanja i provođenje planova samokontrole.

Zahtjev sa propisanom dokumentacijom dostavlja se na protokol Zeničko-dobojskog kantona, neposredno ili poštom do **01.10.2019.** godine.

## **3. Sufinansiranje implementacije HACCP-a sistema kod SPH koji su registrovani kao obrti**

Pravo na sufinansiranje imaju SPH sa područja Kantona koji posjeduju veterinarski kontrolni broj i registrovani su na osnovu Zakona o obrtu i srodnim djelatnostima. Sufinansiranje se odnosi isključivo na subjekte koji su implementirali HACCP sistem u periodu od 2016. do 2019. godine. SPH koji su u prethodnom periodu ostvarili podršku za implementaciju HACCP sistema kod nekog drugog organa Zeničko-dobojskog kantona, ne mogu ostvariti podršku u ovom postupku. Maksimalan iznos sredstava iznosi do 2.500,00 KM po subjektu.

Subjekti u poslovanju sa hranom obavezni su Ministarstvu za poljoprivredu, šumarstvo i vodoprivredu Zeničko-dobojskog kantona dostaviti sljedeću dokumentaciju:

- a) Zahtjev taksiran sa 3,00 KM kantonalne administrativne takse,
- b) Rješenje o registrovanom obrtu (kopija),
- c) Odluku o implementaciji ,
- d) Ugovor o saradnji sa kompetentnim implementatorom,
- e) Analizu rizika proizvodne linije/proizvoda (ovjerenu i potpisanu) sa prilogom o provedenim ispitivanjima,
- f) Plan odgovornosti osoblja,
- g) Verifikaciju HACCP sistema i zbirni HACCP plan,
- h) Potvrdu o provedenoj edukaciji i implementaciji sistema,
- i) Fiskalni račun o plaćenom iznosu za implementiran HACCP sistem;

Zahtjev sa propisanom dokumentacijom dostavlja se na protokol Zeničko-dobojskog kantona, neposredno ili poštom do **30.10.2019.** godine.

#### **4. Finansiranje troškova eutanazije i neškodljivog uklanjanja oboljelih životinja**

Pravo na finansiranje troškova eutanazije i neškodljivog uklanjanja bolesnih životinja imaju vlasnici životinja koje su eutanazirane tokom provođenja naređenih mjera, a u skladu sa članom 45. i 46. Zakona o veterinarstvu („Službene novine Federacije BiH“, broj: 46/00).

Vlasnici eutanaziranih i neškodljivo uklonjenih životinja Ministarstvu za poljoprivredu, šumarstvo i vodoprivredu Zeničko-dobojskog kantona obavezni su dostaviti sljedeću dokumentaciju:

- a) Zahtjev taksiran sa 3,00 KM kantonalne administrativne takse,
- b) Rješenje nadležnog inspektora o naređenoj eutanaziji i neškodljivom uklanjanju bolesnih životinja,
- c) Zapisnik veterinarske stanice o provedenom neškodljivom uklanjanju,
- d) Fiskalne račune izvršilaca o naplaćenju usluzi,
- e) Potvrdu banke o otvorenom računu;

Zahtjev sa propisanom dokumentacijom dostavlja se na protokol Zeničko-dobojskog kantona neposredno ili poštom do **30.11.2019.** godine.

#### **5. Klinički pregled pčelinjaka na Američku gnjiloću**

Pravo na sredstva imaju vlasnici pčelinjih društava sa područja Zeničko-dobojskog kantona. Pravo na sredstva se ostvaruje putem registrovanih Udruženja pčelara sa područja Kantona. Klinički pregled se mora provesti u skladu sa odredbama Programa mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 05/19).

Udruženja pčelara su Ministarstvu za poljoprivredu, šumarstvo i vodoprivredu Zeničko-dobojskog kantona obavezna dostaviti sljedeću dokumentaciju:

- a) Zahtjev taksiran sa 3,00 KM kantonalne administrativne takse,
- b) Izjavu pčelara datu pod punom materijalnom i krivičnom odgovornošću o broju pčelinjih društava u vlasništvu, ovjerenu kod notara/općini,
- c) Kopiju Potvrde o provedenim obaveznim mjerama (prilog V Programa mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 5/19),
- d) Potvrdu o provedenom kliničkom pregledu nadležne Veterinarske stanice, sa naplaćenim iznosom,



Zahtjev sa propisanom dokumentacijom dostavlja se na protokol Zeničko-dobojskog kantona, neposredno ili poštom do **31.07.2019.** godine.

## **6. Dijagnostičke pretraga pčelinjeg legla na Američku gnjiloću**

Pravo na sufinansiranje dijagnostičkog ispitivanja/pretrage na Američku gnjiloću pčelinjeg legla imaju vlasnici pčelinjih društava koji su proveli preventivne mjere propisane za pčele u 2019. godini, u skladu sa Programom mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 05/19). Iznos sredstava je 20,00 KM/jedan uzorak.

Vlasnici pčelinjaka kod kojih je kliničkim pregledom u 2019. godini utvrđena sumnja na Američku gnjiloću pčelinjeg legla, obaviće dijagnostičku pretragu uzoraka putem veterinarskih stanica sa područja Kantona, u skladu sa odredbama Programa mjera zdravstvene zaštite životinja i njihovog provođenja u 2019. godini.

Vlasnici pčelinjih društava Ministarstvu za poljoprivredu, šumarstvo i vodoprivredu Zeničko-dobojskog kantona dužni su dostaviti slijedeću dokumentaciju:

- a) Zahtjev taksiran sa 3,00 KM kantonalne administrativne takse,
- b) Izjavu pčelara datu pod punom materijalnom i krivičnom odgovornošću o broju pčelinjih društava u vlasništvu, ovjerenu kod notara/općini,
- c) Potvrdu o provedenim obaveznim mjerama (prilog V Programa mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 5/19),
- d) Potvrdu nadležne veterinarske stanice o provedenom kliničkom pregledu,
- e) Laboratorijski nalaz;

Zahtjev sa propisanom dokumentacijom dostavlja se na protokol Zeničko-dobojskog kantona, neposredno ili poštom do **31.08.2019.** godine.

## **7. Dijagnostička ispitivanja životinja i službenih uzoraka po nalogu veterinarskog inspektora**

Sredstva planirana za finansiranje navedenih aktivnosti koristiće se za plaćanje troškova nastalih na osnovu naloga Veterinarske inspekcije Kantonalne uprave za inspeksijske poslove Zeničko-dobojskog kantona, u situacijama kada se utvrdi oboljenje ljudi koje je neposredno vezano za zdravlje životinja, gdje je potrebno utvrditi zdravstveni status životinja sumnjivih da su izvor zaraze i u slučajevima trovanja ili opasnosti od trovanja ljudi i životinja, kada postoji potreba za vanrednim uzimanjem službenih uzoraka i ispitivanjem njihove higijenske i zdravstvene ispravnosti.

Korisnici ovih sredstava su subjekti koje odredi Kantonalna veterinarska inspekcija. Korisnici uz zahtjev za plaćanje nastalih troškova, Ministarstvu za poljoprivredu, šumarstvo i vodoprivredu Zeničko-dobojskog kantona dostavljaju slijedeću dokumentaciju:

- a) Rješenje veterinarskog inspektora o naređenim mjerama,
- b) Laboratorijski nalaz,
- c) Fiskalni račun za obavljenju uslugu;

Zahtjev sa propisanom dokumentacijom dostavlja se preko protokola Zeničko-dobojskog kantona, neposredno ili poštom najkasnije do **30.11.2019.** godine.

## **8. Preventivna vakcinacija domaćih životinja**

**8.1. Vakcinacija goveda** u distriktnim područjima Crnog prišta u Zeničko-dobojskom Kantonu - pravo na sredstva mogu ostvariti Grad/općine Zeničko-dobojskog kantona u kojima

je u zadnjih 20 godina utvrđena zarazna bolest Antrax i to: Zenica, Žepče, Visoko i Kakanj. Svaka od navedenih općina/Grad dužna je dostaviti izvještaj o provedenoj cijepljenju maksimalno do 250 životinja iz distriktnog područja u kojemu je zadnji put utvrđen Crni prišt i naselja (područja) koja graniče sa distriktnim. Cijena vakcinacije jedne životinje iznosi 10,00 KM. U cijenu ulaze: vakcina, potrošni materijal, usluga i PDV.

**8.2. Vakcinacija svinja protiv Kuge svinja** na području Kantona - pravo na sredstva za navedenu mjeru imaju registrovane veterinarske organizacije sa područja Zeničko-dobojskog kantona na dodijeljenim područjima djelovanja koje provedu vakcinaciju prema važećim propisima. Iznos sredstava po jednoj životinji iznosi do 5,00 KM. U cijenu ulaze: vakcina, potrošni materijal, usluga i PDV.

Za ostvarivanje prava na sredstva podnosilac zahtjeva Ministarstvu dostavlja u sljedeću dokumentaciju:

- a) Zahtjev taksiran sa 3,00 KM kantonalne administrativne takse,
- b) Potvrda banke o otvorenom i aktivnom računu korisnika, ne starija od 60 dana,
- c) Potvrda o provedenim mjerama (prilog V Programa mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 05/1),
- d) Tabela prikaz vlasnika životinja kod kojih je izvršeno cijepljenje;

Zahtjev sa dokumentacijom dostavlja se na protokol Zeničko-dobojskog kantona, neposredno ili poštom do **01.10.2019.** godine.

## **9. Finansiranje dijagnostičkog ispitivanja u svrhu utvrđivanja uzroka pobačaja životinja**

Sredstva planirana za finansiranje navedenih aktivnosti koristiće veterinarske stanice kod pobačaja goveda, ovaca, koza, svinja i kobilica, a finansiraju se troškovi laboratorijske pretrage krvi, supstrata i plodova životinja koje su pobacile.

Veterinarska stanica uz zahtjev za plaćanje Ministarstvu za poljoprivredu, šumarstvo i vodoprivredu Zeničko-dobojskog kantona će dostaviti sljedeću dokumentaciju:

- a) Potvrdu o provedenim obaveznim mjerama (prilog V Programa mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 05/19),
- b) Laboratorijski nalaz,
- c) Fiskalni račun za obavljanje usluge laboratorijske pretrage;

Zahtjev sa propisanom dokumentacijom dostavlja se preko protokola Zeničko-dobojskog kantona, neposredno ili poštom najkasnije do **30.11.2019.** godine.

## **10. Rezerva**

Sredstva rezerve koristiće se za hitne i nepredviđene zahtjeve koji budu dostavljeni tokom budžetske 2019. godine.

Zahtjevi koji budu podneseni, a nisu posebno definisani Programima, Ministarstvo će razmotriti i predložiti Vladi Zeničko-dobojskog kantona donošenje zaključka/odluke o odobravanju sredstava i to u sljedećim slučajevima:

- a) kod pojave iznenadne i nepredviđene zarazne bolesti-zoonoze,
- b) kod nedostatka sredstava za neku od aktivnosti iz Programa.

Biće razmatrani svi zahtjevi koji budu dostavljeni najkasnije do **30.11.2019.** godine.  
Ovo Uputstvo stupa na snagu danom objavljivanja na oficijelnoj web stranici Zeničko-dobojskog kantona, a primjenjivat će se narednog dana od dana objavljivanja pa do 31.12. 2019. godine.

Broj: 02-14-7730-1/19  
Datum: 30.05.2019. godine

**MINISTAR**

**Mirnes Bašić**

3 KM kantonalne takse

--

**Z A H T J E V**  
za ostvarivanje prava na sredstva iz Programa u veterinarstvu

<b>Kantonalni utrošak budžetskih i namjenskih sredstava u veterinarstvu</b>													
<b>Općina/grad</b>													
<b>Prezime i ime</b>													
<b>Naziv pravnog lica</b>													
<b>JMBG/ID broj</b>													
<b>Adresa stanovanja</b>													
<b>Kontakt telefon</b>													
<b>BUDŽETSKA sredstva</b>													
<b>NAMJENSKA sredstva</b>													
<i>Naziv aktivnosti ili mjere iz navedenih Programa utroška budžetskih i namjenskih sredstava</i>													
<b>MJERA ILI AKTIVNOST IZ PROGRAMA UTROŠKA BUDŽETSKIH SREDSTAVA</b>													
<b>MJERA ILI AKTIVNOST IZ PROGRAMA UTROŠKA NAMJENSKIH SREDSTAVA</b>													
<b>Podaci o računu korisnika sredstava</b>													
<b>Naziv i sjedište banke</b>													
<b>Transakcijski račun</b>													
<b>Žiro račun</b>													
<b>Priložena dokumentacija:</b>	1.												
	2.												
	3.												
	4.												
	5.												
	6.												
	7.												
	8.												
<b>Broj lične/osobne karte:</b>								<b>Vlastoručni potpis podnosioca zahtjeva:</b>				<b>MP</b>	

\*Zahtjev se taksira sa 3 KM (tri) Kantonalne takse

\_\_\_\_\_  
( IME I PREZIME VLASNIKA, JMBG )

\_\_\_\_\_  
(Adresa)

\_\_\_\_\_  
(Telefon)

**ZENIČKO-DOBOJSKI KANTON**

**MINISTARSTVO ZA POLJOPRIVREDU,**

**ŠUMARSTVO I VODOPRIVREDU**

**PREDMET : Zahtjev za nadoknadu štete**

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

\_\_\_\_\_  
(Podnosilac zahtjeva)

**U prilogu dostavljam:**

1. Transakcijski račun banke : \_\_\_\_\_  
(šesnaestocifreni broj)
2. Broj računa (partije) : \_\_\_\_\_
3. Potvrđan laboratorijski nalaz koji je dobijen RVK metodom
4. Rješenje Federalnog veterinarskog inspektora kojim se naređuje sprovođenje mjera
5. Zapisnik komisije o neškodljivom uklanjanju
6. Kopiju pasoša za životinje (goveda)
7. Potvrdu banke o otvorenom računu

\_\_\_\_\_  
( mjesto i datum )